



Broj: 02-11-2496/25-AP-8
Datum: 06.01.2026. godine

Na osnovu člana 25. i 70. Zakona o javnim nabavkama („Službeni glasnik BiH“, broj: 39/14, 59/22 i 50/24), člana 29. Pravilnika o internim procedurama u postupku javnih nabavki roba, usluga i radova i direktnom sporazumu („Službeni glasnik Grada Zavidovića“, broj: 1/2022 i 6/2023) i člana 12. Privremene statutarne Odluke Grada Zavidovići („Službeni glasnik općine Zavidovići“, broj: 4/22), te preporuke Komisije za javne nabavke, u predmetu odabira najpovoljnije ponude dodjele ugovora o javnoj nabavci usluga „Usluge čišćenja zgrade organa uprave Grada Zavidovići za 2026. godinu“, Gradonačelnica Zavidovića, donosi

ODLUKU

Član 1.

Poništava se Odluka o izboru najpovoljnijeg ponuđača broj: 02-11-2496/25-AP-6 od 25.12.2025. godine iz razloga što izabrani ponuđač Uslužni obrt „Higijena“ Zenica **nije dostavio urednu dokumentaciju (originale ili ovjerene kopije dokumentacije iz člana 45. Zakona o javnim nabavkama).**

Član 2.

Prihvata se preporuka Komisije za javne nabavke, te se Ugovor o javnoj nabavci usluga „Usluge čišćenja zgrade organa uprave Grada Zavidovići za 2026. godinu“, dodjeljuje drugorangiranom ponuđaču „Euro EMS“ d.o.o. Tešanj koji je dostavio ponudu broj: 91/01-2025 od 12.12.2025. godine u postupku dodjele ugovora o javnoj nabavci usluga „Usluge čišćenja zgrade organa uprave Grada Zavidovići za 2026. godinu“, broj: 02-11-2496/24-AP-2 od 05.12.2025. godine, u kojoj je nakon e-aukcije ponuđena ukupna cijena od 27.700,00 KM bez uračunatog PDV-a.

Član 3.

Izabrani ponuđač dužan je u roku od 5 (pet) dana od prijema ove odluke dostaviti dokumentaciju propisanu tenderskom dokumentacijom u originalu ili ovjerenoj kopiji.

Član 4.

Ova odluka se dostavlja svim ponuđačima koji su učestvovali u postupku javne nabavke, u skladu sa članom 71. stav 2. Zakona o javnim nabavkama.

Član 5.

Ova odluka objavit će se na web stranici ugovornog organa istovremeno sa upućivanjem ponuđačima koji su učestvovali u postupku javne nabavke, u skladu sa članom 70. stav 6. Zakona o javnim nabavkama.

Član 6.

Ova odluka stupa na snagu danom donošenja.

O b r a z l o ž e n j e

Odlukom Gradonačelnice broj 02-11-2496/25-AP-2 od 05.12.2025. godine pokrenut je postupak dodjele ugovora za javnu nabavku usluga „Usluge čišćenja zgrade organa uprave Grada Zavidovići za 2026. godinu“, putem konkurentskog zahtjeva za dostavu ponuda za koji je dana 08.12.2025. godine upućeno Obavještenje o nabavci broj 1374-7-285-3-223/25 na objavu u Informacioni sistem „E-nabavke“.

Na adresu Grada Zavidovići do krajnjeg roka za dostavu ponuda 18.12.2025. godine do 12,00 sati dostavljene su 3 (tri) ponude i to ponude slijedećih ponuđača po prijemu prispjeća:

1. „Euro EMS“ d.o.o. Tešanj
2. Uslužni obrt „Higijena“ Zenica
3. Obrt „Detailing Demir“ Zavidovići

Komisija za javne nabavke zaprimila je pristigle ponude, izvršila njihovo otvaranje, te izvršila pregled i ocjenu ponuda prema zahtjevima i kriterijima iz tenderske dokumentacije o čemu je sačinila Zapisnik o otvaranju ponuda, broj: 02-11-2496/25-AP-2 od 18.12.2025. godine i Zapisnik o ocjeni ponuda, broj: 02-11-2496/25-AP-3 od 18.12.2025. godine.

U postupku javne nabavke utvrđeno je slijedeće: da su ukupno pristigle 3 (tri) ponude, sve ponude su blagovremeno zaprimljene i sve su formalno ispravne i tehnički zadovoljavajuće.

Nakon provedenog postupka e-aukcije, dana 24.12.2025. godine, Komisija za javne nabavke Grada Zavidovića dostavila je Dopunu zapisnika o pregledu i ocjeni ponuda nakon e-aukcije, broj: 02-11-2496/25-AP-4 od 25.12.2025. godine u kojem je izvršila rangiranje ponuđača kako slijedi:

R/br	Naziv/ime ponuđača	Ponuđena cijena bez PDV-a
1.	Uslužni obrt „Higijena“ Zenica	27.690,00 KM
2.	„Euro EMS“ d.o.o. Tešanj	27.700,00 KM
3.	Obrt „Detailing Demir“ Zavidovići	33.404,99 KM

Ugovorni organ je dana, 25.12.2025. godine donio Odluku broj 02-11-2496/25-AP-6 kojom je prihvaćena kao najpovoljnija ponuda ponuđača Uslužni obrt „Higijena“ Zenica.

Nakon što je zaprimio Odluku broj 02-11-2496/25-AP-6 ponuđač Uslužni obrt „Higijena“ Zenica je dostavio blagovremeno dokumentaciju iz člana 45. Zakona o javnim nabavkama dana, 29.12.2025. godine.

Nakon prijema navedene dokumenacije izvršen je uvid te je utvrđeno da je dostavljena sljedeća dokumentacija u ovjerenim kopijama: Uvjerenje Grada Zenice broj: 06-15-21572/25 od 28.10.2025. godine, Uvjerenje suda BiH broj Su: 03-11264-1/25 od 28.10.2025. godine, Uvjerenje Uvjerenje suda BiH broj: Su :03-11264/25 od 28.10.2025. godine, Uvjerenje Općinskog suda u Zenici broj:43 0 Su 266865 25 Su od 27.10.2025. godine, Uvjerenje Ministarstva unutrašnjih poslova Zenica broj:08-02-08/4-03-10-11-7945/25 od 27.10.2025. godine, Uvjerenje broj: 02/6/II-16-11-21-14544-2/25 od 19.11.2025. godine i Uvjerenja Kantonalnog poreznog ureda Zenica broj: 13-4/1-12-5-5829/25 SĐ od 21.11.2025. godine.

Utvrđeno je da ista nije u skladu sa članom 45. Zakona o javnim nabavkama.

Naime, iz Uvjerenja broj: 13-4/1-12-5-5829/25 SĐ od 21.11.2025. godine izdatog od Kantonalnog poreznog ureda Zenica-Porezna ispostava Zenica, vidljivo je da porezni obveznik Uslužni obrt „Higijena“ Zenica ima dospjelih, a neizmirenih obaveza po osnovu javnih prihoda što je uključeno u Sporazum o plaćanju duga u ratama broj:13-4-01-12-27-1562/24-3 ŠM od 14.11.2024. godine. U Uvjerenju je konstatovano da porezni obveznik Uslužni obrt „Higijena“, pored potpisanog Sporazuma o plaćanju duga u ratama broj: 13-4-01-12-27-1562/24-3 ŠM od 14.11.2024. godine, ima dodatnih

neizmirenih obaveza po osnovu javnih prihoda i na dan 21.11.2025. godine. Dug poreznog obaveznika po Sporazumu iznosi 50.480,62 KM, a na dan 21.11.2025. godine dug po osnovu javnih prihoda iznosi 56.241,63 KM, što znači da porezni obveznik Uslužni obrt „Higijena“ ima duga pored duga utvrđenog Sporazumom u iznosu od 5.761,01 KM.

Obzirom ponuđač Uslužni obrt „Higijena“ Zenica ne ispunjava uslove iz člana 45. Zakona i da je ponuđena cijena ponuđača „Euro EMS“ d.o.o. Tešanj rangirana na drugoj poziciji, u skladu sa članom 72. stav 3. Zakona o javnim nabavkama ugovorni organ dostavlja prijedlog ugovora onom ponuđaču čija je ponuda po rang listi odmah nakon ponude najuspješnijeg ponuđača, te je ugovor dodijeljen drugorangiranom ponuđaču „Euro EMS“ d.o.o. Tešanj.

POUKA O PRAVNOM LIJEKU:

Protiv ove odluke može se izjaviti žalba u roku od 5 (pet) dana od dana prijema. Žalba se izjavljuje ugovornom organu u pisanoj formi direktno, ili preporučenom poštom pošiljkom. Žalba se podnosi u najmanje tri primjerka.

Dostavljeno:

1. Učesnicima u postupku
2. U spis.

Akt pripremio:

(Anel Skeljić)

Akt pregledao:

(Midhat Bajramović)

Akti pregledao:

(Nermin Čahtarević)

PO RJEŠENJU GRADONAČELNICE
broj: 02-04-3/25-AP-2 od 03.01.2025. godine
SEKRETAR GRADSKOG ORGANA
DRŽAVNE SLUŽBE

Nermin Čahtarević, dipl. pravnik